


33
1920/09
ფანტაზიური
საბავშვო ჟურნალი

ფანტაზიური საბავშვო ჟურნალი



დ. შ. ლ. ი. გ.

09

№


9

1920 წ.
იანვრის 18



1955

მილიტარიზმი. ჩემი მოსაზრება უნდათ, მაგრამ ვერ მოახერხეს. როცა დავინახე, რომ ბერლინში
საღი ათარა მქონდა პარტიში დაშლილბარდი დატარებდა ერთ მთლიან ფილაზე მძიმე



დამოუკიდებელი საქართველო.

ღრმად ვარ დარწმუნებული, ყველა ჩემს მეგობარს ეინტერესება: რა შთაბეჭდილება მოახდინა ჩემზე საქართველოს დამოუკიდებლობის ცნობამ.

მოგახსენებთ; მით უმეტეს, რომ აქ საიდუმლო სრულიად არაფერი არ არის და არა მგონია აღმოჩნდეს ქართველი, რომელმაც ჩემი გულწრფელი აღსარება გამიმტყუნოს.

ჯერ კიდევ არ დავიწყებულა საქართველოში „ფურისა და წიხლების“ შესახებ თქმულება.

პატივცემულსა და აწ საყვარელ ოლივერ უორდროსს ჯერ-ჯერობით ისე კარგათ ვერ ვიცნობ, რომ მას ჩემთვის პირდაპირ მოეხსენებია ეგ სასიხარულო ცნობა, მაგრამ ჩემ ძვირფას თანამშრომელს საშა აბაშელს ვერ დავემდურები თავის მთვალეობის ასრულებაში.

და როდესაც მე მისგან სასიამოვნო დეპეშის ტექსტი მოვისმინე, ინსტიქტიურად შევეკითხე:

— როგორ ფიქრობ, ჩემო კარგო, ხვალ ვიუქმებთ თუ არა?

— ალბათ ვიუქმებთ. ამაზე უდიდესი დღე ჩვენ ჯერ არ გავგეთენებია.

მანუგეშა საშამ და დარწმუნებული ვარ თავიც ინუგეშა:

— ალბათ ამაღამ საღმე ქეიფიც იქნება? ხომ არაფერი იცი?

იყო ჩემი მეორე შეკითხვა ამხანაგისადმი და ამაზედაც გამამხნევებელი პასუხი მივიღე.

თქვენ ალბათ დამცინით, მეგობრებო, და მე მაბრაზებს ეგ სიცილი, ვინაიდან მძაგს მე ყველაფერი ფარისევლური. მე ქართველი კაცი ვარ და მასთან ერთად დამოუკიდებელი და ცნობილი. ჩემი საქმე პირველ ყოვლისა დღესასწაულია და დღესასწაულში კი ქეიფი. ასეთივე ხარ შენც და ასეთივეა იგიც. ყველა ქართველი ასეთია და მაშ რაღას დამცინი?

ქუჩა აუწყრელ სანახაობას წარმოადგენდა. ზღვა ხალხმა აავსო რუსთაველის პროსპექტი, დროების ფრიალმა ააფერადა სახლების აივნები. ხვევნი და კოცნი, ეს განსაკუთრებული ნომერია დღევანდელი დღესასწაულისა. დღიდან ჩემის არსებობისა არ მახსოვს ამდენი კოცნი, რაც ამ ერთ დღეს ავიტანე და მწუხარებით უნდა აღვნიშნო, რომ გრძნობათა ამ გამოთქმაში არც ერთ ქართველ მანდილოსანს მონაწილეობა არ მიუღია. დიახ... ქართველი დედა ის აღარ არის დღეს, რაც იყო წინათ და რაც უნდა იყოს.

იმზომ უცები, დიდებული და თავბრუდამხვევი იყო რუსთაველის პროსპექტზე გამართული დემონსტრაცია, რომ უნებლიეთ გადამაფიწყა უქმიცა და ქეიფიც.

დარაზმული გუნდები გვარდიისა და მწყობრათ მიილტვიან სასახლისაკენ, სადაც აივანზე გადმომდგარან ჩვენი მთავრობის თავმჯდომარე ნოე უორდანი და მისტერ უორდროპი. გუნდი გუნდს მისდევს „ვაშას“ და „გაუმარჯ ის“ ძახილით. ქვეითა რაზმს ცხენოსანი სცვლის, ცხენოსანს არტილერია და მუშები. დღევ მშვენიერია, სანახაობაც, დღესასწაულიც.

— ეშმაკო ამაღამ სადა ხარ?

გავიგონე ზურგიდან ვარლამის ხმა. მესიამოვნა.

— სად უნდა ვიყო.

— მოდი ქიმერიონში?

— რა ამბავია?

— ქეიფი იქნება.

— დიდის სიამოვნებით.

გულმა ფანცქალი დამიწყო ოჰ, რომ იცოდეთ, რა დიდებული კაცია ეს კერზონი! ერთხანად ინგლისელებზე ძლიერ გულმოსული ვიყავი, მაგრამ ახლა ყველაფერს ვაპატივებ მედა ჩემმა ღმერთმა.

— ოო, გამარჯობა ეშმაკ-ჯან! ვაღამეხვია ჩემი თედორე და ორივე ყბაზე მწვავეთ აღმიბეჭდა თავისი აღტაცება დღევანდელი აქტით.

— დღეს სად ატარებ დროებას?

— კარგათ არ ვიცი.

— კაცო ამას რაღა ცოდნა უნდა, წამოდი ორიანტში.

— ორიანტში რა ამბავია?

— ამბავი ყველგან ერთია, ქეიფი და დროს გატარება. ხუმრობა დღე ხომ არ არის.

— დიდის სიამოვნებით.

დღესასწაულს თან და თან იშვიათი საზეიმო სახე ეძლეოდა. ვალიგო ჯუღელმა ცხენით ჩამომიქროლა და კინაღამ გამქყლიტა. საუცხოვო ცხენი ჰყავს.

— აი ამდენი ხანია შენ დაგეძებ, აქ სად მიკუნქულხარ შე ოხერო!

მხიარულად ჩამილაპარაკა ვასომ და ჩვეულებისამებრ მხრებზე მაგრათ დამიტაშუნა.

— დღეს საით გიჭირავს გეზი.

— საითაც გზას დავინახავ.

— გზა იმდენია ჩემო კარგო, რამდენი დუქანიც ქალაქშია. ამაღამ ყველგან ქეიფი იქნება.

— ქება და სახელი ქართველი ქაცის ბუნებას. ტყვილათ კი არ გვიცნეს ევროპიელებმა.


— ათასი წლის... მე კიდევ მეტსაც ვიტყვი ორი ათასი წლის ქეიფის კულტურა მაინც ექნება ჩვენს ერს და განა შეიძლება დღევანდელ დღეს ამან თავი არ იჩინოს?

— ჰაი, ჰაი რომ არ შეიძლება.

— მაშ სასტუმრო „ვეტცელში“ გელი.

— აღტაცებით ვიღებ შენს წინადადებას.

„ს ა ფ რ თ ხ ე“.



მოკავშირენი. როგორ ატყობთ მეგობრებო, ნამდვილი საფრთხეა, თუ მხოლოდ საფრთხოებელია?

ნოემ სასახლის აივანიდან სიტყვა დაიწყო და ლაპარაკი შეგვიშალა. პატარა ბავშვმა ჩემს გვერდით წუწუნის მორთო. მასაც უნდოდა დაენახა ქალარა წვერი ორატორისა და ბებიას ეხვეწებოდა ხელზე აყვანას. ჩემმა მეზობელმა დასტაცა ბავშვის ხელი და მხარზე შეისვა. ვილაცამ უკან დამწია.

— ოჰ, გიორგი!?!

— რას გაშტერებულხარ ბიჭო? ჯიბიდან ცხვირსახოცი ამოგართვი, არც კი შეგიტყვია.

— ნოეს ვუსმენდი, ძმაო!

— მაგას სხვა დროსაც მოესწრობი, შენ ის მითხარი, ანაღამ სად ქეიფობ?

— კარგათ არ მაქვს გადაწყვეტილი, შენ არ მომიკვდე. სადაც მოგხვდები...

— მაშ იცოდე, ჩვენები ყველანი „შამპანში“ იქნებიან. შენც იქ უნდა მოხვიდე.

— მთელის ჩემის არსებით. ეს ისეთი იშვიათი დღეა, ჩემო გიორგი, რომ ამას ასე უბრალოთ ვერ ჩავატარებ.

— მაშ ვგრე. იცოდე გელით.

— ლოდინი არ დაგჭირდებათ.

სიტყვის ასრულება მე სწორედ ქართველურათ ვიცი. ჯერ არ მახსოვს ვისმე დავბირებოდე, უთუოდ გეწვევი ნადიმზე მეთქი და არ ამესრულებიოს ჩემი ალთქმა. სხვა მძაგს უბირო, მოღალატე და რაღა გასაკვირია მე თითონ არ გაეყვე ამ გზას.

ვეგენი გეგეჰკორის ბოხმა ხმამ დაჰფა-ა სასახლის მოედანი და მისი არე-მარე. ის ჩვეულებრივზე

შეტი ენერგიით და მდელვარებით ლაპარაკობდა მე ძლიერ სასიამოვნოდ მიმაჩნია, რომ სახლების მეორე სართულზე აივანებს მოაჯირს ავლებენ ხოლმე. რამდენი მარცხი მოხდებოდა, ეს ასე რომ არ იყოს.

— ბიჭოს, შენ აქა ყოფილხარ? შენი ძებნით შევეძარი მთელი ქალაქი. ჩამილაპარაკა ილიკომ და განაგრძო:

- ხომ იცი ამაღამ... არ დაიბნე.
- როგორ თუ დაიბნე.
- ხელს არ გადაჰყვე.
- რას ამბობ, კაცო?
- იმას ვამბობ, რომ ქართულ კლუბში ვახშა

მი გვაქვს. სუფრა უკვე შეკვეთილია.

- ახლა აკეთებინებთ?
- არა, ვაკეთებულა მაგრამ ჩვენ მიერ არის დაჭერილი.
- ვინ თქვენა ხართ თუ შეიძლება გვიბრძანოთ.

— დამფუძნებელი კრების წევრები და საზოგადოთ ჩვენი ამხანაგები.

- ვალიკო იქნება?
- იქნება?
- დათიკო იქნება?
- იქნება.
- ნოე იქნება?
- ყველა ერთის გარდა.
- გრიშა იქნება?
- სამი ერთის მაგივრათ. შე კაი კაცო, მთელი ქალაქი იქ იქნება, ასეთ ბედნიერ შემთხვევას ვინ გაუშვებს ხელიდან.
- მაშ მოვდივარ!

დილის ექვს საათზე გამოველი მე ქართული კლუბიდან მხიარული და კმაყოფილი. რა ვნახე იქ კარგათ აღარ მახსოვს. მაგონდება მხოლოდ რამოდენიმე სურათი და ისიც ბუნდოვანათ.

პირველ ყოვლისა სიზმარივით ჩამრჩა ხსოვნა-ში ვიღაც გრძელ წვერა მოხუცი კაცი. ის აღგებოდა ხოლმე ჩახლეჩილი ხმით, რაღაცას თქმას აპირებდა. მას თამადას უძახოდენ. ბევრი ღვინო სვა. მახსოვს როცა თეთრი ტაშტი მოუტანეს და დაუდგეს... მშვენიერი სიმპატიური სახე ჰქონდა. შემდეგ რა დაემართა კარგათ აღარ მახსოვს.


აგრეთვე ჩინებულათ მაგონდება, როცა ჩემს გვერდით ერთმა ახალგაზრდა მხედარმა ორი ბოთლი ერთმანეთს შეახეთქა და მტვრად აქცია—ასე დავემსხვრეს მტერი და ორგული, ჩემო ეშმაკო! დასძინა მან. ძვრფასმა ჩემმა გალაქტიონმა სიტყვა მითხრა, გუნიაშა... ყველაფერი მშვენივრათ მაგონდება.

მაგრამ ეს რასა ჰგავს?! რასა ჰგავს ეს თფილისის ქუჩები? არც ერთი სახლი სახლს არა ჰგავს... ნეტავ ქარი ხომ არ არის?.. მაშ რამ მიღრიც-მოღრიცა ეს ამოდენა შენობები?.. ცოტა განზე ვიარო თორემ ეს ბოძი უთუოდ თავზე დამეცემა... ჩვენ ქართველები გვიცნეს... ვენაცვალე კერზონს... მე კი ამ ჩემ ქალაქს ვეღარ ვცნობილობ...


— ყრუ ხომ არა ხარ... კინალამ გაგიტანა ავტომობილმა... ჩამძახეს ყურში.

— ერთი გამსრისე და მე გიჩვენებ... ვენაცვალე როზენს... ჩვენი სამშობლო დღეს... საქართველო ჩვენია, ჩვენია!

ეზეკი.



რუსთაველის პროსპექტზე.



მილიკონერი. შენ, ეი მუტრუკო! ქვეით ჩაუხვიე. ამ ქუჩაზე ვირებს არ ატარებენ. ■
 მუტრუკი. ეს უკანონობაა, მაშ ისინი რათ გაუშვი?

მალ-მოიფეს
 მეფეთა მეფეს
 ჯოჯოხეთისა
 რესპუბლიკისა

თ ხ რ ვ ნ ა.

იმის შემდგომად, რაც შეაცდინა ეშმაკმა ევა,
 პირველი ქალი,
 რათა ცოლ-ქმარსა ეგემათ ხილი და გაჰხელო-
 დათ იმათაც თვალი;
 რათა შეეგნოთ ავი და კარგი და სიტკბოება
 ეგემათ მისი,

შემდგომ სიტიტვლე მათ [დაეფარათ, რასაც
 ითხოვდა სალი სინდისი.
 მეც, მეც დამწყველა მოხუცმა ღმერთმა და
 გადმომავლო სამოთხიდანა,
 და მას შემდგომად მი-მოვგზაურობ ზე-ქვესკნე-
 ლამდინ ჯანდაბიდანა.
 დიდი ცვლილება მოხდა იმ ქვეყად —ავსულთა-
 გროვა აჯანყდა ერთად
 და თითუელმა თავისი თავი გამოაცხადეს იქ
 სხვათა ღმერთად.
 სამოთხის კარი ღიაა ეხლა (აი რას ნიშნავს
 რევილიუცია)
 კომისრად არის იქ ბელზებული და მას ბრძანება
 გამოუცია:



„ცოდვილები და წაწყედნილები დღეის შემდგომად თანასწორია“.
 და ბეწვის ხილთან დაუმსხვრევია ცოდვით საწონი, ღვთის სასწორია.
 მეფეთ-მეფეო, მპყრობელო კოპუნისტური ჯოჯოხეთისა;
 თქვენს წინა ვლგეფარ მე თქვენი მონა და მთხოვნელი ვარ რამე ერთისა.
 მოგეხსენებათ, რომ იღვასა კაცი შესწირავს თავისსა თავსა,
 (ამით ხომ იგი ცოცხლად მკვდარ თავს ჰყოფს დაუფიწყარსა და თან უკვდრავსა)
 და მე კი მინდა, რომ ვემსახურო სიმათლესა და წესიერებას;
 და გთხოვ, მეუფევე, თუ შეიძლება მილიციისაში ჩემსა მიღებას.
 რაც შემეძლება არ დავიშურებ, არ შეზარება შრომა და ჯაფა,
 და აწ მიმიღებთ, თუ არ მიმიღებთ მილიციისაში თქვენ იცით აბა.

ისელი.

სადღეგრძელო

ვაცხადებ საჯაროთ, ჩემი მკითხველებისათვის, რომ მე მთვრალი ვარ!

აი გიდი, ბიჭო, ნოტების წერა ვიცოდე! როგორის კრიმანჭულით გეტყოდით ჩემს სათქმელს! განა გულის ღლინი ამ ჩვეულებრივის ასოებით გადმოიცემა!?

მაგრამ, ეჰ! ჯანი გაეარდეს! რაკი სიმღერით არ ხერხდება, მოდი, ისევ ჩვენებურათ, ძველებურათ, ვიბაასოთ—ნეტარ ხსენებულის ფარნაოზ მეფისაგან მოგონილი ნიშნების საშვალეებით!

მოიცა, მოიცა! ჯერ კიდევ გადავკრა ერთი, თორემ ამ პატარძალივით წელ-წვრილი ჭიქის ცქერას, პირზე რომ ვერცხლის ძეწკვი მოუყენებია, მე ვერ გაუძლებ! ბიჭო! თითქოს აი, ამ წუთში დავცალე! რომელმა ჯადომ ამიგსო ასე უცებ?

ეს შენი სადღეგრძელო იყოს, მკითხველო! გრძელი სიტყვა არ მიყვარს და ბევრიც რომ მიყვარდეს, ამ ყოფაში მაინც ვერ ვიტყვოდი... ისე მიჭირს პირში ენის მობრუნება, როგოც ლაფში ჩაფლულ კამეჩს დატვირთულ ურმის თვლისა!..

მაპატივე, მკითხველო, აგრემც ღმერთი გადღეგრძელებს!... არა, გამოტყდი: ეს ხომ პირველად მხედვე მთვრალსა? ხომ არასოდეს მიკადრებია შენთვის აქ, ამ ქურნალის ფურცლებზე, ასეთი ლულული? მე იმას, როდი ვამბობ, ვითომ ჯერ არასოდეს დავმთვრალაყო ჩემს სიცოცხლეში! იმდენი წელიწადი შენ გასძელი, რამდენჯერ მე ლაზათიანათ

ავკიკიკებულებო, მაგრამ იმოდენა რიდი და პატარა ცემა მაინც მქონია ხოლმე შენი, რომ გამოფხიზლებამდე კალმისთვის ხელი არ მეხლოს, და ასეთი დაბორკილის ენით არ შემეწუხებინოს შენი ყურები.


დასწყევლოს ღმერთმა! აკი შენს სადღეგრძელოს ვამბობდი! მაშ გაგიმაჯოს; სახელი არ ვიცი შენი და გვარი, მაგრამ ეს ხომ ვიცი, რომ მეც და შენც—ქართველები ვართ და ამ წუთში ერთავს ერთი გრძობა გვიკიკიკებს გულში. ვენაცვალე იმ გრძობას! კაცო, არ ვიკვირს, ამ ჩვენი გულის ამბავი? თითქოს ადამიანის გული პატარააო! თითქოს შიგ ერთი ჩარეკის მეტი არ ჩავაო! მაშ როგორ არის, რომ ამ ზღვას იტევს ეხლა? სასწაულია, სასწაული—ჩემმა მზემ... ეხლა კი გადავკრათ!... ასე!

მოიცა, მოიცა... ეს რა ამბავია? რატომ არა სწერს ეს ოხერი კალამი? გამეფიცა, თუ რა ჯანდაბაა! აი, დასწყევლოს ღმერთმა! მეღნის მაგიერ, ღვინოში არ ამომიწია!

ჰო, რა უნდა მეთქვა?... გუშინ უნდა გენახე, გუშინ, თორემ დღეს რა არის?... ის ამბავი რომ მოეფინა ქეყანას და რუსთაველის ქუჩაზე გამოვედით! ვნახოთ, ჩვენკენ, ვილაც ორი ინგლისელი მოდის... უნდა გეყურებია, როგორ ჩაუარეთ გვერდი და როგორის თვალებით დავაცქერდით ზევიდან ქვეით! არა! გეფიცებით ნამუსსა და პატიოსნებას, მე იმათი საწინააღმდეგო არაფერი მაქვს! დეე, იცხოვრონ, როგორც ეპრიანებათ! ჩემი სამშობლო არასოდეს არ იკადრებს იმათი ქვეყნის შევიწროებას, ჩვენ იმათი არა გვინდა რა, მაგრამ ეს კი იცოდნენ, რომ ჩვენთან ხუმრობა არ გაუვათ! მათთვის სჯობია, ფრთხილად იყვნენ! ის ამერიკაც და თუ გნებავს, შენი საფრანეთიც! საერთაშორისო ოჯახში რომ შევიყვანეთ და პურ-მარილით დაფუხვით ჩვენებურათ, ქართველურათ—ეს იმას როდი ნიშნავს, რომ ფცხები სუფრაზე დაგვილაგონ! არა, ღვთის წინაშე, კი ბიჭები კი არიან, მაგრამ ჩვენთან მაინც ვერ მოვლენ...

საკვირველ არიან საქმენი შენნი, უფალო! აკი ისევ გავსებულა ჩემი ჭიქა! რა გაეწყობა გადავკრათ! ეს, იცი, რა იყოს? ეს გაუმაჯოს იმ ბუმბერაზ გრძობას, ჩვენს პატარა გულში რომ ეგრე უცნაურად მოთავსებულა! იმ ახალ ჯადო-გრძობას! ასე! მოდი, შენც გადაჰკარი, ჩემო მკითხველო!

თავუნა .





ბათუმის ქრონიკა.

ამიერიდან ყველა უცხო სახელმწიფოთა გემები შეივლიან ისეთ ნავთსადგურებშია, როგორც არის გუდაუთი, ანაკლია და ოჩამჩირე. ეს ფრიად მნიშვნელოვანი აქტი შედეგია იმ ნოტისა, რომელიც ჩვენმა ელჩმა აქ წარუდგინა ყველა უცხო სახელმწიფოთა წარმომადგენლებს.

საქართველოში არსებობს საცდელი მინდვრები. ბათუმში კი სამაგიეროდ არსებობს საცდელი სასწავლებლები. მაგალ. უმაღლეს პირველ დაწყებით სასწავლებლის 13 ოთახში მოთავსებულია 60 რუსი შეგირდი. ოთახები, რომელმაც იატაკ-ჭერიან-კედლებიანაა შემოსილია სქელ კლიონკით, დღეში სამჯერ ირეცხება მოხარშული წყლით. ჩვენ ქართულ გიმნაზიის შენობაში კი სწავლა სწარმოებს დღეში ორჯერ და თვითველ ოთახში მეცადინეობს 60—70 შეგირდი.

ადგილობრივ მეცასებებს ნურიის სურსათ-სანოვანის მოვაჭრეთა ბიურომ რადიოთი დაუგზავნა ცნობა აგენტებს გურია-იმერეთ-სამეგრელოში: ყველას, ყველას, ყველას... ამიერიდან შარა-გზა ლეღვას მიმართულებით ბათუმისკენ თავისუფალია. ამისათვის ქარავან 'ა უნდა იმგზავროს ამ მარშრუტით, რკინის გზას ნუ ენდობით.

დღეს ღამის 12 საათზე ჩვენმა ელჩმა ინახულა ინგლისის გენ.-გუბერნატორი და ხანგრძლივი საუბარი ჰქონდა (როგორც ამბობენ გათენებამდის გასტანაო) ჩვენი გეგმების თავისუფალ შესვლის შესახებ ყველა სახელმწიფოთა პორტებში, რომელიც კი ამ ჟამად არსებობს დედაქალაქის ზურგზე. ინგლისის გენ.-გუბერნატორი დიდის თანაგრძობით შეხვედრია ამ შუამდგომლობას და აღუთქვამს ყოველივე დახმარება.

ამის შესახებ ელჩმა ვრცელი მოხსენება გააკეთა ჩვენს ეროვნულ საბჭოში. საბჭომ მოიწონა ელჩის მოქმედება და დაავალა მასვე, აცნობოს დაუყოვნებლივ ეს ჩვენ მთავრობას.

პირველი მერცხლები*) ჩრდილოეთიდან უკვე მოფრინდნენ ქ. ბათუმში. ეტყობა, წელს აქ გაზაფხული ახალი სტილით იწყება

ყოველ შემთხვევისათვის დენიკინს ერთ-ერთ აქაურ სასტუმროში, რომლის სახელი დიდ საიდუმლოებით არის მოცული, დაუკვეთია ორი ოთახი.

მოვიდა რუსეთის სანავოსნო საზოგადოების გემი „შავი გველეშაბი“, რომელმაც მოიტანა 1000 ტონი დენიკინის ფულები.

15 დეკემბრიდან მუშა-მოსამსახურეებს გაუდიდდათ ჯამაგირები 10,000%⁰. ჯამაგირის მიღების დროს მოსამსახურეებს მიჰყავს თან ყველა ოჯახის წევრები. თან მიაქვთ ჩემოდნები, ხურჯინები, ტომრები და სხვ.

X.


დექემბერი რკ. გზის ხაზიდან.

ბათუმის სადგურის უფროსი ბ. ყაძახაშვილი ამ ბოლო ხანებში ძლიერ ავათ გახდა. გამოჩენილი მარჩიელის ბ. თუხარელის აზრით მისი მორჩენა ადვილია თუ დილას, შუადღზე და საღამოს თითო მომსუქნო ტელეგრაფის მოხელეს გადააყლაპიებენ, მაგრამ ვინაიდან მომსუქნო ტელეგრაფისტი დღეს სანთლით საქებარია, ამისათვის ნატანების სადგურის უფროსმა ბ. ბურჭულაძემ დივალა მისი აღმოჩენა.

დაბალ მოსამსახურეების ყლაპვას მიჩვეულმა რევიზორსა ბ. ცხადაძემ ამას წინათ რევიზორ ბ. მასხელიას ყლაპი უქნა, მაგრამ ვინაიდან მასხელია ძვალ, მსხვილი გამოდგა ცხადაძეს ყელში გაეხირა. —ამბობენ, აპერაციას ვერ გადაიტანსო.

უხილავეი.

*) აღბათ ეს „მერცხლები“ სხვა ჯურის უნდა იყოს, ვინაიდან ჩრდილოეთიდან მოფრინავენ და არა სამხრეთიდან.



„სამსონ ძლიერმა ერთი ვირის ვებით 3000 ფილისტიმელი დახოცა“. („დაბადება“)



დენიკინი. მეგობარო, ამაზე მეტი გასაჭირი არ დამადგება. მათხოვე შენი ყბა...

ვიჩი. ეხლა გვიან არის, ჩემო კარგო! უმჯობესი იქნებოდა, თავის დროზე ჩემგან ჭკუა-დარიგება გეთხოვა.

ნავთლუდიდან

(რადიოთი).

სამხედრო ჰოსპიტლის მოსამსახურებმა დაადგინეს გაფიცვა გამოუცხადონ პროფეს. კავშირს.

— დადგენილია გამოიცეს საანკეტო ფურცელი თუ რამდენი და (რა პირობებში) აღმოჩნდება მსურველი რომ სააქტიუროდან გაიტანოს დეზერტირის ბაზარზე გასაყიდათ ნივთები. მსურველს შეუძლიან სანიმუშო საგნების ნახვა განყოფილების უფროსე-

ბთან. მომეტებულ ფასებში გაიტანება: ზიწრები, საბნები, ხალათები, პერანგები და მისი ამხანაგები. ექსპორტის საერთო ხელმძღვანელათ და უფროს ინსტრუქტორათ ითვლება ბ-ნია.

ადმინისტრაციამ ადგილობრივ მოსამსახურეთა კლუბს ჯერ-ჯერობით შემოსწირა 10,000 მან. ელექტრონის ლაპები, ყველა მწერლების და მოღვაწეების სურათები, გარდა დამსახურებულ მოღვაწის ს. ზურგიელიძისა, რაიც მიუტევებულ ცოდვათ უნდა ჩაითვალოს.

აბრუხმანიძე.

სამოქალაქო ომი.



მატარები. ჯერ არა გვიშავს რა, სანამ ესენი ერთმანეთს სკამენ.

რკინის გზის ქრონიკა

იქონია რა მხედველობაში რკინის გზის სამართველომ სურსათ-სანოვაგოს კრიზისი, მშენიერიად ნოაწყო ორი ვაგონი—რესტორანი, რომელიც დადის ტფილისსა და ბათუმს შორის. ვაგონები მეტად დიდ ფასად არიან იჯარით გაცემული—თვეში 5000 მანეთად თითო. მოიჯარადრეს ფრიად საყურადღებო მიზნები აქვს დასახული ვაგონების ექსპლოატაციისა.

ჯერ ერთი რომ შესაძლებელი იქნება გატანა ბათუმში სხვა და სხვა მაგარ სასმელებისა, რი-

თაც შემსუბუქებული იქნება იქ იმ საქონლის კრიზისი. მეორე ის, რომ საშუალება იქნებათ № 1 და 2 მატარების მგზავრებს ისარგებლონ მგზავრობის დროს საუკეთესო სანოვაგით ხელმისაწდომ ფასებში, რითაც აგრედვე შემსუბუქებული იქნება მათი ჯიბეები. რკინის გზაც მოგებული იქნება, რადგან ხუთი ათასი მანეთიც ფულია.

— მთავარ სახელოსნოს მოსამსახურეებმა მადლობის აღრესი მიართვეს სამექანიკო სამსახურის ბუხვალტერს მუმლაძეს, რადგან იგი დიდის ყურადღებით ეპყრობა მათ მოთხოვნილებებს.

ლილი.

პროცენტიის ამბები.

ქ. ყვირილა (შორაპნის მაზრა).

ადგილობრივ ქალქის გამგეობამ გადასწყვიტა შეიძინოს აჯამეთის სახაზინო მამულში ერთი მილიონი საყენი შეშა და მით პირველ ყოვლისა დააკმაყოფილოს ვაჭრები, როგორც სათუთნი და სიცვეს შეუჩვეველნი არსებანი.

იმავე გამგეობის დადგენილებით გადაწყდა: ვინაიდან შეუძლებელი შეიქნა ქალაქის ქუჩებში ტბების დაშრობა, გამოწერილ იქნას იტალიიდან საჭირო რიცხვი ნავებისა, რომ მით მოქალაქეს საშვალევა ექნეს ქალაქ ს ქუჩებში მიმოსვლისა.

შორაპნის სამაზრო ერობის გამგეობამ დაადგინა: ვინაიდან მთელს მაზრაში გზების და ფოსტატელეგრაფის საქმეები სავსებით მოწესრიგებულია, ამისათვის, რომ ტყვილად არ მოუხდესთ ყოფნა დიდსა და მუდმივ შტატს ტექნიკ-ინჟინერებისას ეხლავე შეუდგეს სად. საჩხერედან რკინის შტოს გაყვანას შუაგულ ოსეთაჲდის.

ზესტაფონის რაიონის კოოპერატივთა კავშირის გამგეობამ ნახევარი წლის დაულალავი შრომის შემდეგ სავსებით დააკმაყოფილა სურსათ სანოვავით და შაბიამან-გოვირდით რაიონის მცხოვრებნი.

ახლა, როდესაც ყველაფერი მოწესრიგებულია, გამგეობამ საჭიროთ დაინახა სამიკიტნოს გახსნა.

შავი გენერლის მოლოდინში ზესტაფონის „ბოლოლები“ საკმაოთ ირაზმებოდენ; მაგრამ როცა გაიგეს, რომ დენიკინს ჭანდრაკულათ მიუდის საქმე და დაგროვილი იარაღები მათ აღარ გამოადგებათ, თავისით დანებდენ ადგილობრივ გვარდიის შტაბს და იარაღსაც აბარებენ.

პროლეტარი.

ზესტაფონი. ვინაიდან 29 ნოემბრის შინაგან საქმეთა მინისტრის სავალდებულო დადგენილება იარაღის ტარების და შენახვის შესახებ „არ ეხებოდა“ ზესტაფონის ნაციონალ-დემოკრატიების ზოგიერთ „მოღვაწეებს“, განსაკუთრებით მ. გვალიას (ქალაქის და ერობის ხმოსანია), რომელსაც გვარდიის მიერ საყოველთაო ჩხრეკის დროს აღმოაჩნდა სამი ვინტოვკა პატრონებით და სხვებთან ერთათ „უკანონოთ“ მიუთითავს ჯარიმაზე, ან ციხეზე, სასწრაფოთ აღძრეს შუამდგომლობა „ივერიის“ წინაშე, რათა განუმარტონ მთავრობას, რომ დადგენილება არას შემთხვევაში არ ვრცელდება ზესტაფონის ნაციონალ-დემოკრატ „მოღვაწეებზე“ და იხსნან მინისტრის დადგენილების (ადგილობრივ თვითმმართველობის გამოქვეყნებულ ვადის გასვლის შემდეგ) გვარდიის შტაბის მიერ კანონიერათ ასრულებისაგან რის შესრულება „ივერიაში“ პირნათლათ იკისრა.

მართაშვილი.





— აბა, ჩემო ნიკო, საჭიროა დეზერტირის ბაზრისკენ იჩქარო. დღეს ეგ ორი ნაქერი ვიკმაროთ: აი ამ ძველი შარვლით იყიდი 3 გირვანქა ხორცსა და ხუთ გირვანქა პურს; აი ამ რუბაშკით კართოფილს, ქინძს, ოხრახუშს და სტაფილოს.

რკინის გზაზე.

პარტიულ ამხანაგთა შორის გავრცელებული ახალი ავადმყოფობა ინტრიგა, რომელსაც ხელს უწყობდა საავადმყოფო, საექიმო-სასანიტარო კომისიის წყალობით განელდა, მოსალოდნელია ახალ არჩევნების შემდეგ მისი სრული ლიკვიდაცია.

— დანიშნული პარტიული კრება წვერთა მრავალ რიცხოვანობისა გამო გადაიდო, რადგანაც სამმართველომ ვერ დაიტია.

— კომერციულ სამსახურისგან დანიშნულია ჯილდო ვინც მოიტანს მასთან შუადღისას დაკარგულ სარკეს—ნიშანი: ვარაყიანი ჩარჩო და იმგვარივე რგოლი.

— საშემოსავლო ნაწილში ნამდვილ უფრო-

სის დაბრუნების შემდეგ დაიწყო ხელ ახალი გამოსაფლები, ზომებია მიღებული მის მოსასპობათ.

— დეპარტამენტთან არსებული სატერმინოლოგიო კომისია ნიშნავს საჯარო ვაჭრობას ქართულ-რუსულ ლექსიკონების ლიკვიდაციისთვის;

— სტამბის შესავალ კარებში დასადგმელათ შეკვეთილია მუშებისაგან გაძევებულ უფროს დეკაპრელევიჩის ბიუსტი.

— ახალი წლიდან სასურსათო კომიტეტმა დაიწყო დარიგება შემდეგ საქონლისა: შაქარი ქირვანქა 25 კ., ფხვნილი—15 კ., ქიშმიში—9 კ., თაფლი—10 კ., ნიგოზი—7 კ., ლობიო—3 კ., ამერიკული ფეხსაცმელი—6 მ. 50 კ., ჩითი ყველა ხარისხისა—12 კ. (ვისაც რამდენი დასჭირდება დეზერტირის ბაზარში გასაყიდათ) და სხ...

ახალი უებარი წამალი ეოველგვარ სენისათვის

„ეშმაკის მათრახი“

ველა ექიმები ერთხმად აღიარებენ, რომ „ეშმაკის მათრახი“ ნამდვილი რევოლუცია მოახდინა სამკურნალო მეცნიერებაში.

„ეშმაკის მათრახი“ ქიურ ლაბორატორიების გამოკვლევის თანახმად წარმოადგენს შესქელებულ სიცილს, რომლის წვეთები ჰკურნავს ეოველგვარ სნეულებას.

„ეშმაკის მათრახი“ ხელს უწეობს სისხლის მოძრაობას და სზობს სისხლ-ნაკლებობას.

„ეშმაკის მათრახი“ ჰკურნავს ჭლექს, რადგან სიცილისაგან სკდება ფილტვის მუწუკები.

„ეშმაკის მათრახი“ სზობს გუჭის კატარს.

„ეშმაკის მათრახი“ ჰკლავს მელანქოლიის ბაქტერიებს!

„ეშმაკის მათრახი“ წარმოადგენს აგრეთვე უსინოვიერეს ნივთიერებას: დღევანდელ შიმშილობის დროს „ეშმაკის მათრახი“ — მისწრება: ვინც სანოვაციის ნაკლებობას განიცდის, ვურჩევთ შეიძინოს „ეშმაკის მათრახი“ და წაუკითხოს მძიერ ცოლ-შვილს: — სიცილი დაავიწეებს მათ შიმშილს!

ექიმებმა საბოლოოდ შეიმუშავეს შემდეგი რეცეპტი „ეშმაკის მათრახის“ წამლისა.

Rp. „ერთობა“ — 0,0.

„საქართველო“ — 0,00.

„სახალხო“ — 0,000.

„ეშმაკის მათრახი“ — 100,0.

M. D. S. თითო ცალი, კვირაში ერთხელ.

ვაცხადებთ ყველას საუზრადღებოთ რომ ავთიამებმა დაიტაცვეს „ეშმაკის მათრახი“ და, ჩვეულებისამებრ ერთი ათასად ჰყიდინან ამ უებარ წამალს.

ახქარდით და შეიძინეთ ზირდაპირ ჩვენგან.

ჩვენთან დირს — ცალი 6 მანეთად.

ახვლედიანის და სსვა ავთიამებში — ცალი 6000 მანეთად!



მ. ი. შლინგ.

— ვცხოვრობდი ბაქოში, — გამაძევეს, ვცხოვრობდი თფილისში, გამაძევეს, რუსეთში წასვლა საზღვაოა... მდგომარეობას ვეჭვობ, ვისმე შეშურდეს.

დ ე ზ ე შ ე ბ ი.

ტყიბულა. მალაროების საქმე ჩინებულათ მიმდინარეობს, რასაც ნათლად ამტკიცებს შემდეგი გარემოება: ამ ორი წლის განმავლობაში მას რამოდენიმე პატრონი გამოეცვალა. სომხის კაპიტალისტებს ის სამხედრო სამრეწველო კომიტეტმა წაართვა; სამხედრო სამრეწველო კომიტეტს განსაკუთრებულმა კომიტეტმა; განსაკუთრებულ კომიტეტს მომარაგების კომიტეტმა; მომარაგების კომი-

ტეტს გზათა სამინისტრომ და სხვ. და სხვ. იმედა აქვთ, რომ ახლო მომავალში ხუთი ექვსი პატრონი სხვა გამოეცვლება.

ვინაიდან ტყიბული ქვა-ნახშირით ძლიერ მდიდარია, ამისგან ადგილობრივ საავთმუყოფოებში სიძობო 0,000156 გრადუსამდე აიყვანეს. ავთმყოფობის მსურველთა რიცხვი გაიზარდა.

უკვე ცნობილია, რომ მალაროს სიბნელეში მიჩვეულ თვალს ძლიერ სწყენს სინათლე (მეტადრე ელექტრონისა). როგორც იქნა აღმინისტრაციამაც



შეიგნო ეს ჭეშმარიტება და მუშების ბინებში სინათლე მოსპო.

შიათანი.

აცანა. ადგილობრივი სამკითხველოს შენობა ღამის გასათევ ბინათ დაეთმო ადგილობრივსავე ბოგანო თხებს, ამიტომ ადგილობრივმა ვაჭრებმა უსაქმოთ დარჩენილ ახალგაზრდათა განსავითარებლათ დაარსეს ნარდისა და კარტის სათამაშოები

ანხლი.

ძველი მუშა.

(ნამდვილი ამბავი).

დომენტი თავდუმაძე ძველი მუშა იყო.

ის იყო საქმის კაცი. თეორიის მას არაფერი სწამდა. მართალია ყველა კრებებს აუცილებლივ ესწრობოდა, მაგრამ კამათის თუ სხვა თეორიული კითხვის გარჩევის დროს მუდამ სთვლემდა. სამაგიეროთ, როგორც კი დადგებოდა რაიმე პრაქტიკული საკითხი, დომენტი მაშინვე თვალებს აქყეტდა, რაგინდ ტკბილ ძილში ყოფილიყო.

არა ლეგალური სტამბის მოწყობა, აკრძალული ლიტერატურის წაღებ წამოღება, იარაღის შენახვა, დემონსტრაციებზე ყველაზე წინ გასვლა... აი ეს იყო მისი „სტიქია“.

ციხე, ციხირი, ყაძახების მატარანი—არცერთი არ დაჰკლებია დომენტის; მაგრამ ყველა ამას ის ითმენდა დინჯათ და აუშფოთებლათ.

პირიქით თუ ხანდახან დაუგვიანდებოდათ ჟანდარმებს მისი დაჭერა, ან დემონსტრაციის დროს მატარანი არ მოხვდებოდა, -დომენტი გულში რაღაც უქმაყოფილებას გრძნობდა და ეჭვი შეჰქონდა თავის თავზე.

ასეთ შემთხვევაში ის გააორკეცებდა თავის საქმიანობას და რა თქმა უნდა, ჩქარა ამოყოფდა თავს მეტეხში.

ერთ ასეთ გაორკეცებული მოქმედების დროს, მსოფლიო ოპის ხანაში, მოასწრეს ჟანდარმებმა და ერთი წლის მეტეხში ჯდომის შემდეგ—ტურუხანის მხარეში ამოაყოფიეს თავი.

ეს კი ისეთი მხარეა, სადაც თვით მსოფლიოს მანათობელ მზესაც მოკლებული აქვს ენერგია, არამც თუ თფილისში სიტბოს შეჩვეულ ადამიანს!..

ოთხი წელიწადი გაატარა აქ დომენტიმ. მეხუთე

წლის დასაწყისში კანტი-კუნტათ მოვიდა ხმები „მთავრობაძე გარდიცვალოა“. შუა გაზაფხულზე ეი ხმები გამართლდა და მრავალ სხვა ამხანაგებთან ერთად დომენტიც, სამშობლოსკენ დაბრუნდა, სადაც მოატანა ზაფხულის შუა რიცხვებში. დომენტის კრებებზე წინანდებურათ აღარ ეძინა, რადგან მეტის მეტი ხმიანობა და ყაყანი იყო, მაგრამ აღარც იმდენათ აინტერესებდა რადგან ნებადართული იყო! თან წლოვანობამაც და ციხე-ციხირმაც თავისი კვალი დააჩინა დომენტის ჯანსაღობას.

ის ნელ-ნელა ჩამოშორდა ცხოვრების ქარტეხილს ამ სიძვირისა და სიმშვილის დროს ზრუნავდა მხოლოდ იმაზე, როგორმე დაეკმაყოფილებია თავისი აუცილებელი მოთხოვნები. ასეთ მდგომარეობაში იყოფებოდა დომენტი, როდესაც ის მიიწვიეს 28 დეკემბერს არამიანცის სახლში მუშათა სასახლის გახსნის ზეიმზე.

ზეიმის დაწყებამდი დომენტიმ დათვალაიერა სახლი, ავიდა მაღლა სართულებში, ბანიდანაც გადიხედ-გადმოიხედა და ძლიერ კმაყოფილი დარჩა. სხვათა შორის სახლის მეხუთე სართულში რამდენიმე ცარიელი ოთახიც ნახა და გულში მათ შესახებ ნატვრის ნიაფმა გაუბრინა.

ზეიმი დაიწყო. ორატორების სიტყვას გულდასმით ისმენდენ. დომენტიმ ჩასთვლიმა მაგრამ უცებ მქუხარე ტაშმა გამოაფხიზლა. ალფესი ხელაძე ხმა მაღლა ლაპარაკობდა. დომენტი სმენად გადაიქცა.

თფილისის პროლეტარიატი ხსნის მუშათა სასახლეს და ხმა მაღლა აცხადებს საქვეყნოთ, რომ დღეიდან მუშათა კლასს აქვს თავშესაფერი, საკუთარი ბინა—ამბობდა ხელაძე.

დომენტიმ ყურები ცქვიტა.

„ეს ჩვენ იმას გვიჩენებს რომ მუშები გამოდიან თავიანთი ბნელი, ვიწრო ქუჩებიდან და იკავებენ საუკეთესო სახლებს ჩვენ დედა ქალაქ თბილისში“—განაგრძობდა მეორე, უფრო ავტორიტეტული ორატორი, რომლის სიტყვები კანონი იყო დომენტისთვის.

ამ სიტყვების გაგონებაზე დომენტის სახე გაუბრწყინდა, გულმა სიხარულით ტოკვა დაუწყო.

ბინის საკითხი,-ეს მეტად მტკივანი ადგილი იყო დომენტისთვის. ნაძალადევი 20 მანეთს იხდიდა თვეში პატარა ნოტიო ოთახში და იმასაც ამადლიდა სახლის პატრონი.

—მაშ მე შემძლია დავიჭირო ის ოთახი, გაიფიქრა დომენტიმ—ეს ხომ ჩვენი სასახლე ყო-



ფილა! მეც ხომ ნამაგვევი მაქ რევოლიუციაში, - ყველაზე უწინ მე მეკუთვნის აქ დასახლება!..

არც კი აცალა ზეიმს დასრულება. დომენტი გამოვიდა დარბაზიდან და ვაეშურა მეხუთე სართულისკენ, სადაც ოთახი ეგულვებოდა. დომენტიმ ოთახის კარები გამოკეტა, რომ მის მოსვლამდე არავის დაეჭირა, და საჩქაროთ გაემართა თავის ნაძალადევისაკენ.

მისვლისთანავე შეჰკრა თავისი ბარგი და გამოუცხადა სახლის პატრონს მუშათა სასახლეში თავის გადაბარგების შესახებ რითაც ეს უკანასკნელი ძლიერ კ'აყოფილი დარჩა.

საათის ხუთი იქნებოდა, როდესაც დომენტი თავისი ბარგით მუშათა სასახლის კარებს მიაღდა მაგრამ მხევალმა შიგ ბარგი არ შეატანია, გარეშე პი-

რებისათვის აქ ოთახი არ არის. — უთხრა დომენტის.

ბევრი უმტკიცა დომენტიმ რომ ის გარეშე პირი არ იყო, მაგრამ ამაოდ, არავითარმა მტკიცებამ არ გასჭრა.

დამმარბული დაუბრუნდა დომენტი თავისი ბარგით ნაძალადევის ძველ ბინას, მარა დახეთ უბედურებას მისი ბინა უკვე სხვას დაეჭირა.

არავითარმა ხვეწნა მუდარამ რა თქმა უნდა არ გასჭრა სახლის პატრონსა და ახალი მდ მურზე. დომენტი იძულებული შეიქნა მიემართა თავის ძველ მეკობრისთვის რათა მას მიეცა მისთვის დროებით თავშესაფარი თავის ვიწრო ბნელ ქონში.

დღემდის დაეძებს ოთახს დომენტი მარა ჯერაც ვერ უბოვნია!..


ს. თ—ია.

განსახლება.

„ემშაკის მათრახის“ რედაქცია ამით აცხადებს, რომ მის მიერ ინიშნება სასენატორო რევიზია საქართველოს რეინის გზის მთავარ სახისა სადგურ ფოილიდან ვიდრე ფოთამდე და ნატანებამდე. მნიშვლი ლიანდაგისა ფოილიდან საშურამდე შეადგენს სენატორ ემშაკის (13 წლისაა) რეინის, ხოლო საშურამდე ფოთამდე და ნატანებამდე — სენატორ თავუნას (11 ნახევარ წლისაა) რეინის. ამ ორ სენატორს ევალება: 1) ბეჯითი დათვალიერება უკვლავ სადგურისა და ამ სადგურების მილიციონერებისა. 2) ზირბათ განობა აღნიშნულ მილიციონერებისა და მათი უფროსებისა. 3) ცნობების შეკრება იმის შესახებ, თუ რა მიზეზია, რომ მკვანურები ავიწროებენ რეინის გზის მილიციონერებს და ვაკონებში ბარგის შეტანისთვის შეტად მცირე გასამრჯელოს ამლევენ მათ. 4) შემოწმება იმ სმებისა, თითქოს თავხედი მკვანურები ზრდილობიან მოაწრობას მოითხოვდენ მილიციონერებისაგან და მათ ლანძღვა-გინებას, პროტესტს აცხადებდენ. 5) დაწერილებითი მოხსენების წარმოდგენა „ემშაკის მათრახის“ რედაქციისთვის ამ კითხვების შესახებ, რათა უახლოეს ნომერში ეს მოხსენება უკლებლივ გამოქვეყნებულ იქნას ჩვენი ქვეყნის საეურაღებოთ. სენატორ ემშაკისა და თავუნას რევიზია დაიწება ამ თვის 25-ს და გაგრძელდება ვიდრე თებერვლის 5-მდე.

მთავრობას და სასოგადოებრივ დაწესებულებებს წინადადება ეძლევათ, ეოველგვარი შემწეობა აღმოუჩინონ ბ. ბ. სენატორებს.

„ემშაკის მათრახი“-ს რედაქცია.



ბროველი
ზილიოთეპი



კომუნისტი. მშვენიერო, მე გამომყევ; გავსწიოთ ერთად სოციალიზმის სამეფოში.
 მოხალისე. ჩემო ლაპაზო, მე გამომყევი, ჩემთან იცხოვრებ უზრუნველათ და უღარდელათ.

ფო ს ტ ა.

ბაზინელს. თქვენ გვწერთ: „უმორჩილესად
 გთხოვთ მომიტავსოთ ეს პატარა წერილი ისეთ
 ალაგას, სადაც საჭიროთ დაინახეთო“.

ჩვენ კი საჭიროთ დავინახეთ მოვითავსოთ იგი
 სარედაქციო კალათში.

ბიკოს. თქვენს „გურულს სცენას“ მარტილი
 აკლია.

ჭკუა-ტკაველას. გვთხოვთ თქვენი მისალოცი
 ლექსი უთუოდ „საახალწლო“ ნომერში დაიბეჭ-
 დოს. წელს ველარ მოვასწარით თქვენი სურვილის
 ასრულება.

მარკოვიჩს. თქვენ იწერებით:
 „სატრფომ მთხოვა: ჩემს სახელზე
 დამიწერე შარადაო,
 და სულ უბეში ვატარებ
 შენდა სახსოვარადაო“.

ჩვენ, (განსაკუთრებით ბ-ნი კოლო) ძლიერ მო-
 ხარული ვართ, რომ თქვენს სატრფოს ასეთი მიდ-
 რეკილება ჰქონია ბარათებისადმი, ხოლო თუ თქვენს
 თხოვნას არ ვასრულებთ და შარადას არ გიბეჭ-
 დავთ, ეს მხოლოდ იმ მოსაზრებით, რომ მაშინ
 თქვენმა სატრფომ მთელი „ეშმაკის მათრახი“ უნ-
 და ატაროს უბით და ეს კი ძნელია. უმჯობესია
 შარადა პირდაპირ მას გაუგზავნოთ.